

Kalaallit Nunaanni aalisakkat aalisakkanillu nioqqutissiat il.il. nakkutiginerannut akiliut pillugu nalunaarut

Inuussutissat il.il. pillugit inatsisip Kalaallit Nunaanni atuutilersinneqarnissaanik peqqussummi nr. 523, 8. juni 2004-meersumi § 53, imm. 2 aamma 3 aamma uumasuni nappaatit tunillaannartullu pillugit inatsisip Kalaallit Nunaanni atuutilersinneqarnissaanik peqqussummi nr. 524, 8. juni 2004-meersumi § 33, imm. 2, inuussutissalerinerup uumasunillu nakorsaqaarnerup inuussutissanik nioqqutissianut ministerimit aqutsivigineqartut ilaani Fødevarestyrelsip aamma Namminersorlutik Oqartussat Kalaallit Nunaanni suliassaat oqartussaaffiilu pillugit nalunaarummi nr. 1005, 25. august 2017-imeersumi § 3, imm. 1 aamma 2 naapertorlugit aalajangerneqarpoq:

§ 1 Inuussutissalerineranut Aqutsisoqarfiup aalisakkanik sullivinnik nakkutilliinera pillugu ukiumut akileraarut ilanngussaq 1-imi annertussusiligaq akilerneqassaaq, uumasunit nerisassianik pisortat nakkutilliinerata pilersarusiorneranut aalajangersakkat immikkut ittut pillugit Kalaallit Nunaanni nalunaarummut ilanngussaq 1 aamma 2 naapertorlugit aalisariutit misissuiffigineqartut ilanngullugit eqqarsaatigalugit, tak. inuussutissaleriffiit pillugit Kalaallit Nunaanni nalunaarummut ilanngussaq 9 aamma 10.

Imm. 2. Inuussutissalerineranut Aqutsisoqarfiup sullivinnik nakkutilliinera pillugu ukiumut akileraarut ilanngussaq 1-imi annertussusiligaq akilerneqassaaq, fiskemeliliorneq, fiskeolialiorneq, aalisakkanik panertuliorneq aamma aalisakkat qerisuunngitsut atuisunut nioqqutissiassaannngitsut pillugit Kalaallit Nunaanni nalunaarut naapertorlugu aalisariutit misissuffigineqartut ilanngullugit eqqarsaatigalugit.

Imm. 3. Suliffeqarfiit nutaat imm. 1 – 2-mi pineqartut ukiup sinneranut qaammatit ilivitsut amerlassusii malillugu akiliissapput.

Imm. 4. Suliffeqarfiit imm. 1 – 2-mi pineqartut atorunnaarneranni nakkutilliineranut akileraarutit ukiup sinneranut qaammatinut ilivitsunut akileriikkat utertillugit akilerneqassapput.

Imm. 5. Akileraarutit imm. 1 – 3-mi pineqartut akuersisummik pigisallip taannaluunniit sinnerlugu inatsisitigut ingerlatsisup akilissallugit pisussaaffigai.

§ 2 Suliffeqarfimmik akuerisamik, matumani ilanngullugu aalisariummik piginnittup misissuisit-sineranut akileraarutit aningaasartutit, aamma angalanermut najugaqarnermullu aningaasartutit, tunngavigalugit annertussisilikkat akilerneqassapput.

§ 3 Immikkut pisoqartillugu inuussutissanik nakkutilliinermi uumasullu nakorsaasa nakkutilliinerranni aningaasalersuineranut malittarisassat malillugit nakkutilliineranut akileraarutit inuussutissalerineranut aqutsisoqarfiup annikillisissinnaavai aamma akilinngitsoortivissinnaavai.

§ 4 Nalunaarut una atuutilerpoq 1. januar 2018.

Imm. 2 Kalaallit Nunaanni aalisakkanik aalisakkanillu il.il. nioqqutissianik nakkutilliinermut aki-
liisarneq pillugu nalunaarut nr. 1003, 26. oktober 2011-meersoq atorunnaarsinneqarpoq.

Inuussutissalerinermut Aqutsisoqarfik, 14. december 2017

ESBEN EGEDE RASMUSSEN

/ Flemming Simonsen

14. december 2017

Nr. 1617

Ilanngussaq 1**Ukiumoortumik akileraarutissat nalunaarsornerat**

Akileraarutissaq imm. 1-imi taaneqartoq nalunaarsuummi kingulianiittumi aalajangersarneqarpoq:

Sulliviup suunera	Akuersissuteqarfiit amerlassusiat		
	1	2	3 iml. amerl.
I	39.700 kr.	52.900 kr.	63.400 kr.
II	26.400 kr.	37.000 kr.	50.300 kr.
III	18.500 kr.	21.900 kr.	34.000 kr.
IV	7.800 kr.	-	-
V	15.800 kr.	23.800 kr.	37.000 kr.
VI	14.500 kr.	-	-

Sulliviit suussusii makkununga tunngasuupput:

- I – III Nunami sulliviit atuisunut tunisassiortut
- IV Aalisariutit immikkut ittunik atortullit
- V Aalisariutit qerititerisut tunisassiorfiusullu
- VI Nunami sulliviit atuisunuunngitsoq tunisassiortut

Immikkoortuni I-III-ni aamma V-imi sulliviup imaluunniit aalisariutip akuersissuteqarfii arlaliusinnaapput.

Qulequttami “akuersissuteqarfiit”-ni sulliviit aalisariutilluunniit akuersissuteqarfinni kingullerni taaneqartunik nioqqutissiallit sulliviup suunera apeqqutaatillugu akileraarutissaat annertussusilerneqarput.

Akuersissuteqarfiit suussusii apeqqutaatinnagit tamarmik immikkoortiterneqarfimminni akileraarutissaat annertussusilerneqarput.

Suunera	Akuersissuteqarfiit
I	Nerpiit il.il. aserortigaliat Nerpiit akuutissanik tanillugit seernarsakkat Nerpiit igariaannangortitat Nerpiit uutat siatallu Raajat uutat ameraajakkallu Qaleruallit uutat qaleruaajakkallu Uiluinnik assigisaanillu saliineq Uiluinnik assigisaanillu suli uumasunik poortuineq Aalisakkanit nioqqutissianik qerisuunngitsunik inerlugit poortuineq Raajanik tarajulilaarlugit imermiitsitanik inerlugit poortuineq Aalisakkanit nioqqutissianit pujuukkanik inerlugit poortuineq

- Aalisakkanit nioqqutissianit akuutissanik tanitanik inerlugit poortuineq
 Aalisakkanit nioqqutissianit uuttanik siatanillu inerlugit poortuineq
 II Qimerluerlugit nerpiiiaaneq (assersuutigalugu siatassianik aamma Japan-cut)
 Aalisakkanit pujuugaliorneq
 Aalisakkanit qillertuusarmiuliorneq
 Aalisakkanit nioqqutissiat asiunaveersakkat matoqqittakkat
 Aalisakkanit nioqqutissianik qerititsineq
 Aalisakkanit nioqqutissianik qerititanik poortueqqiineq
 Aalisakkat proteiniinik nioqqutissiorneq
 Nerpinnit qajuussianik nioqqutissiorneq
 III Aalisakkanik suliarineqanngitsunik amerlasuukkuutaanik poortukkanik toqqortarinnineq
 Aalisakkanik suliarineqanngitsunik amerlasuukkaanik poortuineq
 Aalisakkanit nioqqutissianik amerlasuukkaatut nioqqutissianik inerlugit poortukkanik toqqortarinnineq
 Aalisakkanik imermut tarajulaakkanik, akuutissalikkanik seernarsakkanillu amerlasuunngorlugit poortukkanik nioqqutissiorneq
 Aalisakkanik tarajortigaliorneq
 Aalisakkanik panertuliorneq
 Aalisakkanit nioqqutissianik qeritillugit asiunaveersaaneq
 IV Aalisakkanik suliarineqanngitsunik aalisariummi nillataartitsiveqarfimmiitsitsineq
 V Nerpinnik sequtsigaliorneq
 Aalisakkanit nioqqutissianik qeritillugit asiunaveersaaneq
 Aalisakkanit nioqqutissianik qerititsineq
 Raajanik uutsiterineq
 Qimerluerlugit nerpiiiaaneq (assersuutigalugu siatassianik aamma Japan-cut)
 Uiluinnik qaleruaajaaneq
 VI Atuisunut nioqqutissaanngitsunik aalisakkanit qajuussaasioorneq, aalisakkanit uulialiorneq, aalisakkanit panertuliorneq aamma aalisakkanik suliarineqanngitsunik nioqqutissiorneq